



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

LIII. Epistola Episcoporvm Provinciæ Hellesponti, Ad Leonem Imperatorem.  
Piissimo & Christianissimo terræ domino, possidenti cæleste regnum,  
perpetuo Augusto, imperatori Leoni, Seleucus, Vranius, ...

**urn:nbn:de:hbz:466:1-14887**

cui etiam nos conformati esse dinoscimur, & pie conseruamus quæ ab eis prouisa sunt, & nunquam tantum Concilium denegamus. Hæc ergo breuiter piscatorie & non Aristotelice suggestimus. Si quid vero inerudite dictum est, aut velut ignorantibus compositionem ornatumque sermonis, aut velut a negotiis longe positus, veniam supplicamus vestram tribuere pietatem.

Euippus misericordia Dei episcopus metropolis Neocæsareæ sanctæ Dei ecclesiæ subscripti, & oro pacificum vestræ imperium pietatis longis conseruari temporibus pro sanctarum Dei ecclesiarum & totius orbis statu, piissime & Deo amabilis imperator.

Petrus episcopus Comanus, similiter.

Ioannes episcopus Polemonii, similiter.

Gratianus episcopus Cerafuntis, similiter.

## LIII.

EPISTOLA EPISCOPORVM  
PROVINCIAE HELLESPONTI,  
AD LEONEM IMPERATOREM.

*Piissimo & Christianissimo terræ domino, possidenti caeleste regnum, perpetuo Augusto, imperatori Leoni, Seleucus, Vranius, Erythrius, Aelianus, Hyperitius, Paulus, humiles episcopi Hellepontii prouinciæ.*

**D**IGNÆ sanctiones actuum vestrorum, qui vobis imperii retinacula \* gubernarunt. Secundum fidem namque apostolicam, catholicamque virtutem vobis agentibus Deus potentiam mundi commisit, quam pace Deo placita gubernatis. Sancti itaque prouinciæ nostræ Deo amabiles episcopi conuenientes in vnum, relegere vestræ serenitatis epistolam & preces annexas, vt quod secundum sanctiones ecclesiasticas placeret, vobis indicaretur. Considerantes ergo prædictas preces, & earum lectiones velut oculis inspicientes, necem sanctissimi sacerdotis in venerabili baptisterii loco præsumptam, in quo etiam his qui pessima facinora committunt, refugientibus salus est; nec non & peregrinam quamdam & ineffabilem, quæ neque apud feroces barbaros agitur, in eius corpore factam rabiem, & non solum aduersus eum, sed etiam contra totius ordinem sacerdotii & pietatis pariter perpetrata, horumque scelerum Iudaica vesania

ANNO  
CHRISTI  
451.

atque superbia commissorum auctorē fuisse Timotheum: lamentatione simul & lacrymis etiam nunc sumus impleti, & neque medium tempus luctum nostrum potuit imminuere; quia temporibus Christianis & vestris, a Christianis quoque talia in sacerdote proprio committuntur, quæ a sæculo facta non sunt, nec quilibet sermo hæc retulisse cognoscitur. Quæ audientes, & vix abstinentes a lacrymis, indicamus, quoniam qui hoc scelus vere gesserūt, nequaquam episcopatu digni sunt: sed neque is qui ab eis ordinatus est, sacerdotium poterit obtinere, vel si regulariter prouenisset, quando etiam is qui dicitur ordinatus, vt \* audiuerunt, damnatus erat a sanctissimæ memoriæ episcopo suo Proterio, & Concilio sanctorum episcoporum Ægyptiæ diocesis, quique a duobus solummodo similiter secum condemnatis, & neque numerū ordinantium complementibus regularem, nefandam ordinationem dicitur suscepisse, viuo pontifice, & ea quæ sunt sacerdotii celebrante. Et super hoc orthodoxos ac venerabiles episcopos pene totius Ægyptiæ diocesis a propriis sedibus exclusisse, nec non & clericos & monachos a proprio ciuitatum suarum ordine repulisse, & irregulares homines & mendaces in locis expulso tentauit euehere. Sed & alia plurima perpetrata dicuntur, quæ cuncta factis Canonibus fieri prohibentur, & ea sanctionibus ecclesiasticis excluduntur. Super hæc autem, dicit se non suscipere sanctam & vniuersalem Synodum Calchedone celebratam, quæ per omnia fidem trecentorum decem & octo sanctorum patrum in Nicæa conuenientium inuiolabilem custodiuit, simul & quæ in reliquis Conciliis definita sunt, hoc est, & sanctorum patrum in regia ciuitate congregatorum, & prioris Ephesii, & nascentes hæreses spiritualibus gladiis radicitus amputauit, & ita fidem inuiolatam prædictorum trecentorum decem & octo sanctorum patrum per omnia roborauit, in qua & nati sumus & baptizati, & baptizamus, & in ea vitam finire semper oramus. Si vero lucem cæci, & veritatem mendaces accusant, illi quidem propter cæcitatem visus, illi vero eo quod eorum error & malitia pariter arguantur: nouimus quia omnes hæretici sanctas Synodos, eorum malas sectas destruētes, accusant. Sicenim Ariani & Eunomiani de trecentis decem & octo

Nicænis patribus agunt: Macedoniani vero de centum quinquaginta in Constantinopolitana vrbe congregatis, Nestoriani autem Ephesæ Synodo, Eutylianistæ vero & Apollinaristæ, & ceteri malorum adiuuatores, sexcentis triginta patribus Calchedone conuenientibus aduersantur, inimicas veritati destructiones extendunt, & per suam vesaniam mentiri probantur. Igitur Timotheum, qui Apollinarista cognoscitur, & propterea semetipsum a sancto Concilio facit extraneum, irregulariter ordinatum, & tanti mali reum, si tamen accusatores veri probantur, nequaquam episcopum nominamus, aut communicatorem sacerdotii sumimus, qui his ita malis videtur obnoxius: & supplicamus piæ vestræ potentæ, quatenus sanctarum ecclesiarum prouidentiam solemniter habeatis, & disciplinam Ægyptiacæ diœcesis dignam vestra reuerentia teneatis: quatenus fuga quidem persecutionem patientium depellatur, & eis qui turbati fuerant, pax alta reuocetur, sanctisque ecclesiis illic positas unitas conferatur. Nostræ vero ecclesiæ, Deo gratiæ, vestræ prouidentia pietatis, in pace & vnanimitate & fidei rectæ concordia magna consistunt, nostraque voce deprecantur, quatenus resistatur eis qui Synodum fieri querunt. Nam si sapius conueniamus, aliud quidquam sapere poterimus præter ea quæ nobis sunt tradita a sanctis patribus, & sanctis Conciliis explanata. Nihil enim aliud student, qui optant Synodos congregari, nisi vt vasa sacra plurimi sanctorum episcoporum vendentes, pro sumptibus & expensis & subuectionibus animalium precia vniuersa consumant, & aliqui eorum in peregrinatione aut mari vitæ huius luce priuati, onus hoc atque peccatum congregantibus Concilium prouidere noscantur. Sed iubete potius singulos sacerdotum in propria ecclesia positos, & vbi constituti sunt, permanentes, orationes & preces pro vestræ serenitatis imperio celebrare.

Seleucus gratia Dei episcopus Amasiæ metropolis sanctæ Christi ecclesiæ, manu mea subscripsi, secundum religiosam sanctionem vestræ pietatis meam sententiam per prædictam epistolam manifestans, vna cum Dei amantissimis episcopis cunctæ prouinciæ, quid sentiam, & pro recta fide trecentorum decem & octo sanctorum patrum in Nicæa conuenientium, quam & Calchedonenſe Conci-

ANNO CHRISTI 451.  
 lium confirmavit: nec non & de Timotheo, qui precibus accusatus est: & multis temporibus a Deo seruari vestrum oramus imperium.

Vranius episcopus Iboreæ, similiter.

Erythrius episcopus Amisi, similiter.

Ælianus episcopus Sinopenfis, similiter.

Hyperitius episcopus Tili, similiter.

Paulus episcopus Adratenus, similiter.

LIV.

EPISTOLA EPISCOPORVM  
 PAPHLAGONIÆ REGIONIS,  
 AD LEONEM AVGVSTVM IMPERATOREM.

*Piissimo & Christianissimo, amabili imperatori, & regnum  
 cælestium possidenti Augusto Leoni, Petrus, Ætherius, Olym-  
 pius, Saturnellus, Hyperius, episcopi Paphlagoniæ regionis.*

EREXISTIS equidem olim Dei sanctas ecclesias, pri-  
 mum hoc iustum sacrificium offerentes Domino  
 Christo, quod iura omnia pietatis transcendat, & pro-  
 priam virtutem habeat: & quatenus ea quæ a diuæ me-  
 moriæ Marciano constituta sunt, firma permaneant.  
 Nunc itaque orta nobis est Christo amabilis, & regnum a  
 diuinitate suscipiens vestra tranquillitas, vt magna in-  
 tentione concordia & indiuisè recta piaque seruetur fides  
 in sanctis Dei vbique constitutis ecclesiis. Agnouimus ete-  
 nim vestræ pietatis oraculo, quia pro Alexandrinæ ciuita-  
 tis pace curam maximam habeat vestra serenitas. Ex pre-  
 cibus autem subiectis inuenimus, Proterii quidem bea-  
 tæ memoriæ ab eadem ecclesia facta exclusione, & voluif-  
 se Timotheum in eadem ciuitate sumere pontificatus of-  
 ficiū, & machinatum, vt memoratus vir cum pœna de  
 præsentī vita recederet. Ad hæc autem confiteri Timo-  
 thei sectatores, quia trecentorum quidem decem & octo  
 patrum, & Concilii Ephesi congregati sequantur fidem:  
 centum vero quinquaginta sanctorum patrum Concilium  
 in regia ciuitate celebratum, & sanctam & vniuersalem  
 Calchedonensem Synodum denegare noscuntur. San-  
 cientes ergo quæ communiter sapimus episcopi Paphla-  
 goniæ regionis, ad notitiam pietatis vestræ deducimus.